

مستطابق

محل مطبعه و اداره :

جغسال اوغلانده امنيت

صندوغى جوارنده

شنكول يقوشنده

۲۲ نومرو

اخطار :

مسلكمزه موافق آثار

جدید مع الممنونیه

قبول اولنور

درج ایدلهین آثار اعاده اولنماز

دیه ، فلسفه ، علوم ، حقوق ، ادبیات ، تاریخ ، سیاست ، و بالخاصه احوال و مشورہ اسلامیه در بحث ایدر و هفته ده بر نشر اولنور .

آبونه بدلی

صاحب و مؤسسلری :

درسعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرلهدن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلغی	غروش
مملک عثمانیه ایچون	۶۵	۳۵
روسیه	۶۰۰	۳۰۰
سائر ممالک اجنبیه	۱۷	۹

عدد : ۱۱۲

۲۳ شوال پنجشنبه ۱۵ تشرین اول ۳۲۶

بشنجی جلد

لکری وار ، و بوده اخلاقك بوزولمسی نتیجه سی اوله رق خطالره دوشولمش در . مع مافیه اوده کیتدکجه ، اوروپا ايله اختلاط سایه سنده زائل اولاجق در . بر ملت که حقنده (لوکان العلم فی الثریالنه الفرس بیورلمش در . علمه اوقدر مقتون بر ملتک هیچ بروقت آتسندن نومید اوله مام .

بر مسئله دهوار که ایران ایچون اسباب سعادتدن صایلیلر : خونی ، لسانی و عرقی اوله رق ملت واحده اولمسی در . بونک ده بیوک بر قوت تشکیل ایتدیکنی سامعین کرام حضراتی تقدیر بیورورلر . بر باشقه کیفیت دهوار که ایرانک آتسی ایچون امید بخش در . ایرانده یشایان عشائرک ، شهرلره اختلاطی آز اولان عشائرک حسن اخلاقی محافظه ایتلری ، فضائل فطریه لرینی هر نوع تعرضدن مصون بولوندیرمش اولمسی در . بو عشائرک اخلاقی دهوار تمیزدر . بوده بر قوت تشکیل ایدر . حسن تربیه ايله بونلر کوزل بر عامل اوله بیلیر .

والحاصل - قیصه کسهلم - بر مملکت که اوزون بر قدمه مالکدر ، مدنیت و انسانیت بر چوق خدمتی سبق ایتشدیر ، بر چوق ادب ، شعرا ، حکما یتشدیرمشدر ، اسلامه ایتدیکی خدمتده عربک کسندن اکسیک دکل ، هر هانکی بر یولی اله آلمش سه توسیع ایتش ، کندی ملیت و قومیتی اوکا درج ایدرک مال ایدیش ؛ بویله بر ملتک البت یشایه جفته امیدوار بولنورم .

کچمش خطالرینه بر دهوار دوشمه مک اوزره بو حادثاتی اینه لظه مدور اوله جق وقوعات قییلندن عد ایدرم ، و بویله اوله جفته ده امیدوارم [آلفیشلر]

توفیق بک افندیك نطقی

بونی متعاقب دبستان ایرانیان مدیری توفیق بک افندی ینه قارا بک حضرتلری طرفندن سامعین کرامه تقدیم اولوندی .

توفیق بک :

« رفیق محترم حسین دانش بک ایرانک احوال تاریخیه سندن خلاصه » بحث ایتدیلمز ، بنده کز بو بابده بر آرز دهوار تفصیلات ویرمک ایسته یورم . شو قدر که نطوق اولمدیغم ایچون یازدم ، مساعده بیورولورسه اوقوییم »

دیه بر مقدمه یابدندن صوکر ، ایرانک تا ادوار ابتدایه سندن باشلا بوق کچریدیکی صفحاندن بحث ایدرک و هر دورده یتیشن حکمدارانندن اسملریله خبر ویره رک بر مصاحبه تاریخیه یابدیلر . بیوک بر احاطه ، درین بر تتبع ايله بیکلرجه سنه لک وقایی ذهنلرده تقریر ایده جک صورته یازیلان بو مقاله نفیسه تاریخیه بر مجموعه علمیه صحیفنی بحق تزیین ایدر اولدینی حالده بوراده سامعینک تهییج ، اندیشه ناک حسیاتی اوزرنده لازم کان تأثیری یاپمیدی ، بونک فرقته وارن توفیق بک افندی مناسب بر یرنده کسه رک آتیده کی جمله لره مهم بر مسئله اوزرنده جلب انظار ایلدی و شدتلی آلفیشلره مظهر اولدی . ایسته ، افندیلر ، بو قدر اوزون بر تاریخه مالک اولان ایران هیچ بر زمان اجنبی بویوندوروغی آلتیه کیرمه مشدر . بونک ده اک

مهم سببی ، ایرانک بتون مناسبیه ملت واحده اولمسی در . ایرانده اختلاف عناصر یوقدر . یکانه بر عنصر واردر که اوده ایران ملتی در . افکار ، منافع ، وغایه آمال بر در . اتحاد و اتفاق دائمی در . واقعا بعضاً - جهلدن ناشی - آرهلرنده اختلافلر ظهور ایدرسده ، بو احوال داخلیه منحصردر . خارجدن بر دشمنک هجومی حس اولونجه بتون خصومتلری بر طرفه براقه رق دشمن قارشوسنده یکوجود ، شجیع ، فداکار بر کتله متحده کورولور . اجنبی بر عنصرک ایرانده یرلشه بیلیمسی ممکن دکلدر . چونکه اجنبی کیرنجه زائد بر عنصر اولور . ایران اوله ظن اولوندینی کبی برلشمسی قابل اولماز مختلف ، پریشان قوتلردن عبارت دکلدر . بونلری طوپلامق بر کله یه باقار . اوتهدن بری ایرانلیلر نجفده کی علمای اسلامه مربوط اولدقلری ایچون اهالی اوزرنده اولرک بیوک تأثیری واردر . بر کره اولعلمای کرام (وجاهدوا فی سبیل الله) دیه جک اولورلر سه بتون ایران قیام ایدر وقانلرینک صوک دامله سنه قدر دشمنله اوغراشیر .

مع مافیه مقصدم بو دکل ، ایران هر حاده ایرانه مالک اوله جقدر . چونکه دیگر عناصرک اوراده یرلشه بیلیمسی قابل دکلدر . تاریخ بونک شاهدی در . کیم ایسترسه تجربه سنی یاپسون . نیجه اعظملر ، فداکارلر یتشدیرن ایران ، ینه او ایران در . نیجه خارقه لر کوسترن ملت ، ینه او ملت در ... [آلفیشلر ...]

کردستانه ایرانی شیخ الاسلام مافیه حسن افندیك نطقی

بوندن صوکر ، ملت اسلامییه بر چوق خدمات نافع سی سبق ایدن کردستان ایرانی شیخ الاسلام سابق فاضل و محاهد محترم حسن افندی حضرتلری طرفندن فارسیجه مهم بر نطق ایراد بیورولدی . عموم سامعینک بو لسانه واقف اوله نامسنی نظر دفته آلان فاضل محترم سوزی مهم جمله لره خلاصه ایدرک ، آلفیشلر ایچنده ، عالم جان افندی یه ترک ایتدیلمز .

عالم جان افندیك نطقی

عالم جان افندی ، منور الفکر کنج ، صاف وسوعلی سیالی بوتاتار کنجی ، بو محترم قارداش مزده صمیمی آلفیشلره استقبال اولوندی .

سامعین کرام حضراتی ! - دیه باشلادی -

بنده کز ایرانک تاریخ قدیمه و حال حاضرینه دائر تفصیلاته کیریشه جک دکل . زیرا خطبای کرام حضراتی بونا بده سوینلنه جک سوزلری کال بلاغت و طلاقله سووله دیلر . بن آنجق بو صوک کونلرده انکلتزه حکومتی طرفندن اعطا اولنان اولتیا توم سبیلله حاصل اولان تأثر و انفعالمزلی اظهاره جصر مقال ایدم جکم .

انکلتزه حکومتک ایران حکومتیه بر اولتیا توم کوندروب اوچ